




ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

31 ՄԱՅԻՍԻ, 2017 թ.
№ 9 (1009)

Թերթի առաջին համարը լույս է տեսել 1965 թ. մարտի 11-ին
երկշաբաթաբերթ • հրատարակման 52 -րդ տարի

ԽԱՉԱՏՈՒՐ ԱՐԹՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ

ՄԱՅԻՍԻ 28. ԱՌԱՋԻՆ ՀԱՆՐԱՊԵՏՈՒԹՅԱՆ ՕՐԸ



ՕՐՏԱՍԻ ՊԱՏԻՆ՝ ՄԻԱԿԱՍ ՈՒ ՄԻԱԶՈՒՅԼ...

...Երևանին մոտիկ մի դաշտ կա, ուր թվում էր 1918-ին ամեն ինչ պիտի վերջանար... Վերջանար 1918 թ. մայիսին...

Պիտի վերջանար աշխարհի ամենահին, ամենաառեղծվածային, իր հակասություններով հանդերձ, ամենազմիվ ժողովուրդներից մեկը: Ազնիվ, որովհետև դարեդար ոչ միայն սեփական քրտինքով, այլև տառապանքով ու արյամբ էր մաքրվել:

Այստեղ պիտի վերջանար մի լեզու, որ դարձյալ աշխարհում ամենահիններից էր և իր ժողովրդի հետ մի այնպիսի տառապալի, համառ ու հավատավոր ճանապարհ էր անցել, որ այդ տառապանքի հարստությամբ անհունորեն հարստացել էր, այդ համառության ոգին ժառանգած, դարձել էր ջղուտ և այդ հավատի ամրությունն առած, այնպես էր կարծրացել ու բյուրեղացել, որ գրավոր դառնալուց դեռ շատ առաջ, իր սքանչելի >2

ՑՈՒՑԱԴՐՈՒԹՅՈՒՆ ՊՈԴԻՈՒՄՈՒՄ

ՀՊՄՀ Գեղարվեստական կրթության ֆակուլտետի հագուստի մոդելավորում բաժնի ուսանողների ավարտական կուրսերի աշխատանքներն այս տարի ներկայացվեց նոր ձևաչափով՝ հանդիսավոր ցուցադրությամբ:

Դիզայնի և դեկորատիվ-կիրառական արվեստի ամբիոնի դասախոսներ Արամ Նիկոլյանի և Լիլիթ Մելիքյանի նախաձեռնությամբ ուսանողները հնարավորություն ստացան 4 տարվա ընթացքում ստեղծած իրենց հագուստները ներկայացնել հանրությանը: Ուսանողներից յուրանքանչյուրը տարբեր թեմատիկայով ներկայացրել էր 3-4 աշխատանք, իսկ որպես մոդելներ հանդես եկան Կուլտուրայի ֆակուլտետի պարարվեստի մանկավարժության ամբիոնի ուսանողները:

>2



ՇՆՈՐՀԱՎՈՐՈՒՄ ԵՆՔ

Հ ա ն ր ա պ ե տ ու թ յ ա ն տ ո ն ի առթիվ Նախագահի նստավայրում տեղի է ունեցել պ ե տ ա կ ա ն պարզևների և կոչումների շնորհման արարողությունը: Աշխատանքային վաստակի, անմնացորդ նվիրումի, Հայրենիք-



Սփյուռք կապերի խորացման և ընդլայնման գործում ունեցած նշանակալի ավանդի համար ՀՀ Նախագահը տարբեր ոլորտների մի խումբ անձանց պարգևատրել է պետական բարձրագույն պարգևներով, շնորհել նաև պատվավոր կոչումներ:

Մանկավարժական համալսարանի Կուլտուրայի ֆակուլտետի ռեժիսուրայի ամբիոնի վարիչ, Գ. Սունդուկյանի անվան ազգային ակադեմիական թատրոնի գեղարվեստական ղեկավար, պրոֆեսոր Արմեն Էլբակյանը թատերական արվեստի բնագավառում ունեցած վաստակի համար արժանացել է Հայաստանի Հանրապետության ժողովրդական արտիստի կոչման:

«Հաճելի է, երբ արածդ գործը գնահատվում է. յուրաքանչյուր մարդ այս աշխարհում կարիք ունի սիրո, փառաքչանքի, գնահատման», - ասել է Արմեն Էլբակյանը՝ կարևորելով գործը, նպատակը և դրանք հանդիսատեսին փոխանցելու բարոյականությունը:

«ՎԱՐԱՆ ԹԵՔԵՅԱՆ» ՄՐՑԱՆԱԿԱԿԻՐՆԵՐԸ ՀԱՅՏՆԻ ԵՆ

«Թեքեյան» կենտրոնում մայիսի 23-ին անցկացվեց Հայաստանի «Թեքեյան մշակութային միության» «Վահան Թեքեյան» ամենամյա միջազգային մրցանակաբաշխությունը, որն իրականացվում է Ամերիկայի և Կանադայի «Թեքեյան մշակութային միության» «Շաքե Ղազարյան» հիմնադրամի հովանավորությամբ:



«Հայաստանի Թեքեյան մշակութային միության» գործունեությունը և մասնավորապես ավանդական դարձած ամենամյա մրցանակաբաշխությունը ուրույն տեղ ունեն Հայաստանի մշակութային կյանքում: Ավելի քան երկու տասնամյակ ՌՄՄ-ն խրախուսում է հայ արվեստագետներին, խթանում լավագույն ստեղծագործությունները՝ դրանք >2

Թանգարանների միջազգային օրը

«Ցավոտ պատմություններ. դժվար պատմելի թանգարաններում»

Թանգարանների միջազգային օրվան նվիրված միջոցառումներին այս տարի Մանկավարժական համալսարանի թանգարանը միացավ արդեն հինգերորդ անգամ: Օրվա խորագիրն էր՝ «Ցավոտ պատմություններ. դժվար պատմելի թանգարաններում»: 95-ամյա բուհի պատմությունը հագեցած է հետաքրքրաշարժ, ուրախ, տխուր պատմություններով և անցյալի հուշերով, որոնք թերթիկա կանգ առանք ստալինյան բռնատիրության և արցախյան ազատամարտի տարիները ներկայացնող պատմությունների, հիշողությունների ու վավերագրերի վրա:


«Պատմում են բռնազաղթածների հարազատները» թեմայի շրջանակներում թանգարանը հյուրընկալել էր 1930-ական թվականներին ստալինյան բռնաճնշումների զոհ դարձած Մանկավարժա- >2



«ՎԱՀԱՆ ԹԵՔԵՅԱՆ» ՄՐՑԱՆԱԿԱԿԻՐՆԵՐԸ ՀԱՅՏՆԻ ԵՆ

ՕՐՀԱՍԻ ԴԱՎՏԻՆ...

➤ 1 ճանաչելի դարձնելով հանրությանը: Մրցանակաբաշխությանը մասնակցում էին հանրապետության մի շարք պաշտոնատար անձինք: Ելույթ ունեցան սփյուռքահայ մտավորական, գրականության հանձնախմբի նախագահ Երվանդ Ազատյանը, ՀՀ ՊՍՀ ղեկավար, ԹՍՍ նախագահ, ՀՀ արվեստի վաստակավոր գործիչ Ռուբեն Միրզախանյանը, ՀՀ փոխվարչապետ Վաչե Գաբրիելյանը և ուրիշներ:



«Մեծանուն բանաստեղծի պատգամները հետևողականորեն իրականացնում է «Թեքեյան մշակութային միությունը», որի վառ վկայությունը ներկա մրցանակաբաշխությունն է», -ասաց փոխվարչապետը, ով կարևորեց միության մեծ դերակատարությունը հայ մշակութային իրականության մեջ և շնորհավորեց մրցանակակիրներին:

Անվանակարգերում հաղթողների անունները հրապարակեց Ռուբեն Միրզախանյանը՝ անդրադառնալով հաղթողներին ու նրանց ստեղծագործություններին:

Մրցանակները հանձնվեցին 4 անվանակարգերում՝ գրականության, թատրոնի, երաժշտության և կերպարվեստի բնագավառներում:

2016 թվականի մրցույթի «Գրականություն» անվանակարգում հաղթեց Եղիշե Չարենցի անվան գրականության և արվեստի թանգարանի «Պատասխան 100 տարի անց» գեղարվեստական վավերագիրը: Թեքեյան մշակութային միության ԱՄՆ-ի և Կանադա-



յի մասնաճյուղի ղեկավար, գրականության հանձնախմբի նախագահ Ե. Ազատյանն ասաց, որ գրքում զետեղվել են Կոմիտասի վերջին նամակը, Ցեղասպանության զոհը դարձած մարդկանց խոհերն ու վերջին նամակները, որոնք մնացին անպատասխան, և որոնց պատասխանելու է ներկա սերունդը:

«Գրականություն» անվանակարգում այս տարի մրցանակ հանձնվեց նաև գրականագետ Հենրիկ Բախչինյանին՝ «Գրիգոր Նարեկացու զանձարանը. վերծանություն և քննություն» աշխատության համար:

«Երաժշտություն» անվանակարգում լավագույնը ճանաչվեց Ալ. Սպենդիարյանի անվան օպերայի և բալետի ազգային ակադեմիական թատրոնի գեղարվեստական ղեկավար և տնօրենի ժամանակավոր պաշտոնակատար Կոնստանտին Օրբելյանը՝ երաժշտական գործունեության համար:

«Թատերական արվեստ» անվանակարգում մրցանակը շնորհվեց «Անկոչ Աննան» ներկայացման բեմադրիչ, Հր. Ղափլանյանի անվան դրամատիկական թատրոնի դերասան, ռեժիսոր Գրիգոր Խաչատրյանին:



«Կերպարվեստ» անվանակարգում հաղթեց նկարիչ Միքայել Հարությունյանը՝ «Հայաստան» կտավի համար: Ի դեպ, 18-ամյա Միքայելը մրցանակաբաշխության պատմության մեջ ամենաերիտասարդ մրցանակակիրն է:

Հավակնորդների աշխատանքները գնահատել են մասնագիտական հանձնախմբերը, իսկ մրցանակները դափնեկիրներին հանձնեցին Երվանդ Ազատյանը, ՀՀ ՊՍՀ պրոֆեսոր Արմեն Էլբակյանը, ՀՀ գիտության վաստակավոր գործիչ, արվեստագիտության դոկտոր, պրոֆեսոր Հրավարդ Հակոբյանը:

Երեկոն զարդարում էր Հայաստանի հեռուստատեսության և ռադիոյի սինֆոնիկ նվագախմբի փոքր կազմը՝ ՀՀ ժողովրդական արտիստ, մանետոր Երվանդ Երզնկյանի գլխավորությամբ, իսկ մրցանակաբաշխությունը, ինչպես միշտ, բացվեց Առնո Բաբաջանյանի «Իմ սիրտը լեռներում է» ստեղծագործությամբ:

Սիլվա ԱՄՅԱՆ

➤ 1 գողթան երգերում, աղանդի փայլ էր ստացել...

Այստեղ պիտի վերջանար մի քաղաքակրթություն, որ դարձյալ աշխարհում ամենահներից էր:

Յաթաղանի բիրտ հարվածը պիտի կտրեր այդ հնագույն քաղաքակրթություններից մեկի արմատը: Իսկ այնուհետև հայոց լեզուն պիտի համարվեր մեռյալ, գիտական գրադարանների դարակներում պիտի փոշոտվեին մեր չքնաղ առասպելները, Նարեկացու աստվածային գրույցը՝ համաշխարհային պոեզիայի այդ բարձրագույն թռչյուններից մեկը, քուչակյան հանձարեղ հայրենները պիտի ընթերցող չունեցող մատյանների էջերում ինքնանպատակ բոցկտային, իսկ Թումանյանի բանաստեղծական հրաշքը պիտի արժանանար այն տխուր փառքին, որին արժանացել են անհետացած ժողովուրդների հանձարները...

Իսկ մեր պատմական հուշարձանները կան պիտի ավերվեին նվաճողների կողմից, ինչպես արվում է Արևմտյան Հայաստանում, կան վերածվեին ոչխարի փարսիների և կան պիտի սեփականացվեին, մի բան, որ կեղծարարությամբ ու գեղծարարությամբ արվում է նաև այսօր: Բայց այստեղ ամեն ինչ սկսվեց նորից...

Եվ սկսվեց մի այնպիսի ժամանակ, երբ մարդկային ամենահասարակ տրամաբանությունն իսկ ասում էր, թե այլևս ոչինչ չի կարող սկսվել, քանի որ բառացիորեն մեն-մենակ էինք արար աշխարհում, մենակ, անպաշտպան, ծվատված ու արյունաքամ...

Եվ դա լավ գիտեին թուրք բարբարոսները: Նրանք հաշվել էին, կշռել ու տեսել, որ ամեն ինչ իրենց օգտին է՝ ժամանակը, իրադրությունը, դիվանագիտությունը, ուժը: Եվ միայն մի բան հաշվի չէին առել՝ հայ ժողովրդի գաղտնիքը, առեղծվածը, ոգին, այդ ոգու յուրահատկությունը:

...Նրանք հույսը դրել էին նաև մեր ժողովրդի բնավորությանը ոչ առանց հիմքի վերագրված ամմիաբանության վրա: Եվ այստեղ էլ էին սխալվել:

Նրանք չէին սերտել մեր պատմությունը, չգիտեին նաև, որ այդ ամմիաբան համարվող ժողովուրդը օրհասի պահին այնպես է միակամ ու միաձուլյ, որ սեղմվում ու բռնուցք է դառնում:

Վահագն ԴՎԹՅԱՆ
«ՀԱՄԱՌՈՑ ՊԱՏՄՈՒԹՅՈՒՆ ՀԱՅՈՑ»

«Ցավոք պարմություններ. դժվար պարմելին թանգարաններում»

➤ 1 կան համալսարանի դասախոսների հարազատներին, որոնցից շատերին բախտ չի վիճակվել տեսնել նրանց, բայց նրանց մասին անընդհատ պատմությունների շնորհիվ մշտապես զգացել են նրանց ներկայությունը: Եվ այս հանգամանքն օգնեց, որ նրանք կարողանան ներկաներին փոխանցել իրենց լսած պատմությունները, հույզերն ու ապրումները ճակատագրի բերումով ու ժամանակի պահանջով «ամծանոթ» դարձած հարազատների մասին: Ցավոք, բուռն դասավանդած և բռնաճնշումների զոհ դարձած ոչ բոլոր մտավորականներն են հասցրել ընտանիք կազմել, սակայն մեր հյուրերը՝ մաթեմատիկոս, Մանկավարժական ինստիտուտի բարձրագույն մաթեմատիկայի ամբիոնի հիմնադիր Արշակ Տոնյանի թոռնուհին՝ Ելենա Հովհաննիսյանը, զարմիկը՝ Յուրիկ Հովհաննիսյանը և Տոնյանների ընտանիքի բարեկամ, ԵՊՀ դասախոս Սահակ Սահակյանը հուշեր պատմեցին ոչ միայն իրենց պապի, այլև նրա գրչակից և բախտակից ընկերների մասին՝ հուշերը հանձնելով նաև նրանց կյանքից զավեշտալի ու հետաքրքրա-

շարժ դրվագներով: Միջոցառման երկրորդ հատվածում, ՀՀ ՊՍՀ գեղարվեստական կրթության ֆակուլտետի դասախոս, ազատամարտիկ, «Նորք» ջոկատի հրամանատար Աղվան Մխիթարյանը ներկաներին փոխանցեց իր հուշերն ու հույզերը արցախյան ազատամարտի տարիներից, իսկ բուռն շրջանավարտ, ազատամարտիկ, «Մեծն Մուրադ» ջոկատի փոխհրամանատար Գևորգ Անդրիկյանի որդին՝ Արմանը, ներկայացրեց ազատամարտիկ հոր անցած մարտական ուղին: Միջոցառման շրջանակներում կազմակերպված «Ազատամարտիկի հիշատակարանը» խորագիրը կրող ժամանակավոր ցուցադրության շրջանակներում ներկայացված են արցախյան ազատամարտի մասնակից մեր բուռն դասախոսների և շրջանավարտների անձնական իրեր, լուսանկարներ և մարտական վկայականներ, իսկ մեր բուռն ուսանող Հայկ Մանուկյանի՝ ապրիլյան քառօրյա պատերազմի օրերի մասին պատմող ֆոտոշարքը ներկայացված էր «Սահմանին» խորագրով՝ վիրտուալ ցուցադրության տար-



բերակով: Միջոցառման ներկաները կենդանի լեզունների հետ շփվելու և նրանց ունկնդրելու հնարավորություն ունեցան մեկ անգամ ևս ծանոթանալով, բացահայտելով և վերաթարթելով մեր պատմության, թեկուզ ցավոք, բայց միևնույն ժամանակ հերոսական անցյալը: Թանգարանների միջազգային օրվան նվիրված միջոցառման ընթացքում ՀՀ ԳԱԱ երկրաբանական թանգարանի տնօրեն Գայանե Գրիգորյանը «Ձրի համաշ-

խարհային օրը մշակույթների խաչմերուկում» խորագրով միջոցառմանը մասնակցելու համար, ի նշան երախտագիտության, համալսարանին հանձնեց ջուրը խորհրդանշող հուշանվեր-մրցանակ, իսկ այդ միջոցառմանը մասնակցած մեր բուռն ուսանողներն ու դասախոսներն արժանացան պատվոգրերի:

Մարիաննա ՄԱՆՈՒ-ՀԱՐՅԱՆ
Թանգարանի
ավագ գիտաշխատող



Թանգարանների միջազգային օրվա շրջանակներում ՀՀ մշակույթի նախարար Արմեն Ամիրջանի հրամանով նախարարության Ոսկե մեդալների են արժանացել ուլորտի մի շարք ներկայացուցիչներ, այդ թվում նաև Մանկավարժական համալսարանի թանգարանի տնօրեն Ալվարդ Գրիգորյանը:

ՀՀ մշակույթի նախարարության պատվոգրի է արժանացել նաև Բուդապեշտի Պիտեր Պազմանի անվան կաթոլիկ համալսարանի հայագիտության ամբիոնի վարիչ Բալինտ Կովաչը:

Հունգարիայի վերոհիշյալ համալսարանի հայագիտական ամբիոնը բացվել է երկու բուհերի համագործակցության շրջանակում:

ՓԱՆՈՍ ԹԵՐԼԵՄԵԶՅԱՆ. ԿՅՎՆՔԻՍ ԸՈՒՕԵՐԸ



Խաչատուր Աբովյանի անվան հայկական պետական մանկավարժական համալսարանի «Սփյուռք» գիտաուսումնական կենտրոնում անցկացվեց «Փանոս Թերլեմեզյան. կյանքիս հուշերը» գրքի շնորհանդեսը Մանկավարժական համալսարանի, «Սփյուռք» կենտրոնի և «Ազգ» թերթի համատեղ նախաձեռնությամբ: Գրքի բնագիրը հրատարակության է պատրաստել, առաջաբանը և ծանոթագրությունները գրել էրվանդ Տեր-խաչատուրյանը:

Ներածական խոսքով հանդես եկավ բանասիրական գիտությունների դոկտոր, պրոֆեսոր, հայ նոր և նորագույն գրականության ամբիոնի վարիչ, պրոֆեսոր Սուրեն Դանիելյանը: Պրոֆե-

դաշտում այն մնայուն ու անուրանալի դաս է» ամփոփեց Ս. Դանիելյանը:

Այնուհետև Փ. Թերլեմեզյանի կյանքի, ստեղծագործությունների և գրքի շուրջ խոսեցին Ռանկավար ազատական կուսակցության գործիչ, դոկտոր Երվանդ Ազատյանը, Բանասիրական ֆակուլտետի դեկան Աշոտ Գալստյանը, «Ազգ» թերթի գլխավոր խմբագիր Հակոբ Ավետիսյանը և գրքի կազմող Երվանդ Տեր-խաչատուրյանը:

«Նկարիչը իր հուշերը գրել է 1939-1941 թվականներին, մեր երկրի ու մեր ժողովրդի համար շատ ծանր ժամանակներում: Պատկերացրեք, 1937 թվականից հազիվ մեկ-երկու տարի անց մարդը գրիչ է առնում գրելու իր կորսված հայրենիքի, առհասարակ Արևմտյան Հայաստանի ու մեր ժողովրդի կյանքի ճակատագրական ժամանակների ու ճակատագրական իրադարձությունների մասին: Դրա համար առաջին հերթին անհրաժեշտ էր ունենալ բարոյական բարձր նկարագիր և հոգեկան մեծ արիություն», - ասված է գրքի առաջաբանում:

Վանի հերոսական ինքնապաշտպանությունը մշտապես եղել է մեր գրականության ուշադրության առանցքում, բայց Փ. Թերլեմեզյանի գրչի ներքո այն բացահայտվել է արժեք ունի, մանավանդ, որ վերջինը ինքնապաշտպանության կազմակերպիչներից ու կարևոր դեմքերից մեկն է:

Ավելի քան 75 տարի Փ. Թերլեմեզյանի հուշերը մնացել են անտիպ: Գրքի հրատարակմամբ այդ հուշերը «ընծայվում են ընթերցողին»: Գիրքը մեր հայրենագիտական և հուշագրական գրականության լավագույն էջերից է:

Սիլվա ԱՍՐՅԱՆ

Նրանք սիրեցին Հայաստանը, Նրա պատմությունն ու մշակույթը

Ուսանողների փոխանակման երազմուս պլուս ծրագրի և 2016 թվականին ՀՀ-ի կողմից և Հունգարիայի Պիտեր Պազմանի կաթոլիկ համալսարանում հայագիտության ամբիոնի բացման պայմանագրի շրջանակներում Խաչատուր Աբովյանի անվան հայկական պետական մանկավարժական համալսարանի Պատմության և իրավագիտության ֆակուլտետի հայոց պատմության ամբիոնում մեկ կիսամյակ ուսանում են Հունգարիայի Պիտեր Պազմանի համալսարանի ուսանողներ Նոռա Տելեքը, Ջուլիան Գառեյը, Աննա Ֆուլդեշին, Բալաժ Յանչիկը և Դանիել Լոնգերը: Մագիստրոսական կրթական ծրագրով նրանք ուսումնասիրում են հայոց պատմությունն ու մշակույթը, հայագիտությունն ու հնագիտությունը:

Նոռա Տելեքը և Ջուլիան Գառեյը կաթոլիկ համալսարանի հայագիտության ամբիոնի ուսանողներ են, ապագա պատմաբաններ, Աննա Ֆուլդեշին, Բալաժ Յանչիկը և Դանիել Լոնգերը հնագետի մասնագիտություն են ստանում:

Ջուլիան Գառեյը ծնվել է Դեբրեցան քաղաքում և ապրել տարբեր քաղաքներում:



րում: Նա 23 տարեկան է: Նոռան 22 տարեկան է, նա Բուդապեշտից է:

Ապագա պատմաբանները որոշել են գալ և տեղում ուսումնասիրել հայոց պատմությունն ու մշակույթը: Որոշմանը նպաստել է նաև Հունգարիայի վերոհիշյալ համալսարանում բացված հայագիտության ամբիոնը:

Ուսանողներին Մանկավարժական համալսարանում դասավանդում են անգլերենով: Նրանք հայերեն որոշ բառեր ու արտահայտություններ են սովորել, բայց դժվարանում են խոսել. կարծում են թե՛ հայերենին, թե՛ հունգարերենին տիրապետելը դժվար է: Սիրում են Հայաստանը, եղել են բազմաթիվ պատմամշակութային վայրերում, նաև այցելել են Արցախ: Հունգարացի ուսանողները համոզվել են հայկական ուստեսները, կերել Արցախի ժենդայնով հացը, ընկերներ ունեն Գորիսում և հայ ընկերների հետ հաճախ են պատրաստում հայկական ազգային ուստեսներ:

Շուտով նրանք ավարտում են իրենց դասընթացները, բայց Ջուլիանը մտադիր է հաստատվել Հայաստանում, որովհետև շատ է սիրել Հայաստանն ու հայերին: Նոռան կնեկնի Հունգարիա՝ մեկ անգամ ևս Հայաստան վերադառնալու հույսով:

Հունգարացի ուսանողներին դուր են գալիս հայ դասախոսները և ուսանողները, որովհետև նրանք բարյացակամ են, միշտ պատրաստ են օգնության ձեռք մեկնել:

Ինչով է գրավիչ Հունգարիան հարցադրմանն ի պատասխան Ջուլիան Գա-

ռեյը ասում է, որ իր երկիրը հազարավոր ամրոցներ ունի, որոնք պատմամշակութային արժեքներ են և տարեկան միլիոնավոր այցելուներ են բերում:

Մանկավարժական համալսարանում են սովորում նաև հունգարացի ուսանողներ Աննա Ֆուլդեշին, Բալաժ Յանչիկը և Դանիել Լոնգերը:

Աննա Ֆուլդեշին Բիչկայից է, Հայաստանում նա ուսումնասիրում է հնագիտություն, արվեստի պատմություն, ցեղասպանություն, ռուսաց լեզու և մասնագիտական դասընթացներ: Ապագա հնագետին հետաքրքրել է Հայաստանի հնագույն մշակութային ժառանգությունը, և նա որոշել է սովորել Հայաստանում: Աղջիկն արդեն հասցրել է մասնակցել պեղումների, եղել է Կարմիր բլուրում, էրբուրնի թանգարան-արգելավայրում և Շենգավիթում:

Նրա կարծիքով մեր հայաստանյան համալսարաններում ուսանողների առօրյան ավելի լավ ու հետաքրքիր է կազմակերպվում: Ինքն էլ այս կարծ ուսումնառության ընթացքում մասնակցում է բուհի ուսանողների կազմակերպած միջոցառումներին ու արշավներին: Նա կարևորում է այստեղ ուսանելու ընթացքում ցեղասպանությունն ուսումնասիրելու հնարավորությունը:

Բալաժ Յանչիկը 24 տարեկան է, նա Յասբերին քաղաքից է, որն իր համալսարանից շատ հեռու է՝ շուրջ 100 կմ: Հնագետի մասնագիտությունն իր մանկության երազանքն է, իր քաղաքի տարածքում կան տարբեր հնագիտական վայրեր, որտեղ կարող է զբաղվել պեղումներով: Ժամանակը սուղ է, բայց հասցրել է լինել էջմիածնում, Ջվարթնոցում, Արմավիրում: Չորս ամիս է, որ ուսումնառում է Մանկա-



վարժականում, հունիսի կեսին ուսանողները պետք է վերադառնան իրենց երկիր, բայց Բալաժը հույս ունի, որ մի օր կվերադառնա Հայաստան:

Դանիել Լոնգերը Բուդեշտից է: 22 տարեկան երիտասարդը Հունգարիայում արվեստի պատմություն էր ուսումնասիրում, երբ իմացավ Հայաստանի հնամյա մշակույթի մասին և որոշեց մոտիկից ծանոթանալ: Դանիելն ու Բալաժը հայերեն էլ են ուսումնասիրում, փորձում են ստանալ գոնե տարրական գիտելիքներ մեր լեզվի մասին:

Դանիելը Հայաստան գալուց առաջ միայն նկարներում էր տեսել հայկական խաչքարը, այժմ նա հիացած է հայկական անկրկնելի խաչքարերով: Սիրում է Հայաստանի սպասը, թեև Բալաժը և Աննան նախընտրում են խորովածն ու տոլման: Դանիելը հիացնում է խոսում Մանկավարժականի դասախոսների մասին, ովքեր գիտական բարձր պատրաստվածություն ունեն և հոգատար են ուսանողների հանդեպ: Երկու երկրների կրթական համակարգերի ու ծրագրերի մասին խոսելիս նա նկատում է՝ այստեղ դասերն ավելի պրակտիկ են ու հետաքրքիր:

Շուտով հունգարացի ուսանողները կվերադառնան իրենց հայրենիք՝ նոր գիտելիքներով ու վառ տպավորություններով, տանելով իրենց հետ Հայաստանի արևի ջերմությունը, հայ դարավոր մշակույթի գեղեցկությունն ու հայկական համալսարանի բարյացակամ ու գրավիչ մթնոլորտը:

Սիլվա ԱՍՐՅԱՆ



տորը նկատեց՝ այսօր մեր մեծերը կանացկամաց աղոտանում են մեր հիշողություններում: Թվարկելով վանեցի Փանոս Թերլեմեզյանի դերը ազգային-ազատագրական շարժման, Վանի հերոսամարտի կազմակերպման մեջ և այլ կարևոր իրադարձություններում՝ բանախոսը փաստեց. «Նա «վայելել է» ցարական հալածանքների «քաղցրությունը»՝ միշտ մնալով առիթնորդ»:

«Գրքից ամեն մեկը կարող է իր պատահիկը որսալ, բայց գրամշակութային

ԿԵՂԻՐՈՆԱԿԱՆ 130 ՏԱՐԵԿԱՆ Է

Մայիսի 23-ին Ստամբուլի «Քենթեր» թատրոնում տեղի ունեցավ Ազգային Կեղրոնական վարժարանի 130-ամյակին նվիրված «Հայ դպրոցը անցյալն է դեպի այսօր» խորագրով հանդիսությունը: Շուրջ հիսուն աշակերտներ դասապահ հիշեցնող հրաշալի բեմադրությամբ, ազգային երգ ու պարով, մեջքնդնեց ներկայացվող ու հայ դպրոցի պատմությունը վերակերտող ժապավենի ուղեկցությամբ ներկայացրին արևմտահայ դպրոցի ուրվագիծը:



Վարժարանի վերջին 37 տարիների տնօրեն Սիլվա Գույունջյանը իր խոսքում ընդգծեց, որ պետք է հազար վարժարաններ: Ներկայիս միայն Իսթանբուլի մեջ գործող 16 վարժարաններով է որ այս հողերում վրայ ապրող հայեր կը փորձեն նոր սերունդը կերտել ու զանոնք փրկել ուժացումն:

Ապա խոսքը փոխանցեց Հայաստանից հատուկ այս առիթով Պոլիս ժամանած Խ. Աբովյանի անվան հայկական պետական մանկավարժական համալսարանի «Սփիւռք» գիտատնտեսական կենտրոնի մեթոդիստ, Հայ նոր և նորագույն գրականության և նրա դասավանդման մեթոդիկայի ամբիոնի ասիստենտ Բնարիկ Աբրահամյանին:

պանյան, Երուխան, Հակոբ Սիրունի, Վահան Թեքեյան, Լևոն-Ջավեն Սյուրմեյան և կեղրոնականի շատ ու շատ մտավորական-արվեստագետների սուկ թվարկումն արդեն վկայում է այն փառավոր ուղու մասին, որ անցել ու այսօր էլ շարունակում է անցնել կրթական հաստատությունը՝ վերջին երեքուկես տասնամյակներին արդեն շնորհիվ նրա վաստակաշատ ու հմուտ տնօրենի՝ Սիլվա Գույունջյանի անմնացորդ ու խոնարհ նվիրումի:

Հավաստիացնում ենք, որ իբրև կրթական գործի կազմակերպիչ, լավագույնս ենք գիտակցում այն մարտահրավերներն ու խոչընդոտները, որոնք ամեն օր ստիպված են լինում հաղթահարել Ձեր աշխատանքում: Մի կողմից այսօր մենք պարտավոր ենք քայլ պահել աշխարհի հետ, մյուս կողմից՝ զորացնել հայկական արմատը, որը ամենից առաջ հնարավոր է լեզվի ու հայեցի դաստիարակության միջոցով:

Եվս մեկ անգամ ընդգծելով Ձեր հաստատումը, թե «Կեղրոնականը հիմնված էր մտավորական և ուսուցիչ պատրաստելու նպատակով», մենք էլ մեր ամուսնից ուզում ենք հաստատել, որ այդ առաքելության մեջ հայրենիքում մանկավարժական մայր



դարձնողը՝ մեր համալսարանը, Ձեր կողքին է: Մեր դռները բաց են կեղրոնականիցների առջև ուսուցիչ թե աշակերտ:

Կեղրոնական վարժարան այցելության ու միջոցառումից ստացած տպավորությունների մասին իր խոսքում Բնարիկ Աբրահամյանը նշեց, որ կենտրոնականիցները լավագույնս են պահում այն երազը, որ ունեցել են իրենց նախորդները: Նա ասաց, որ հուզված է, որովհետև զգում է պատասխանատվությունը, պահի լրջությունն ու պատանակությունը, որովհետև խոսում է կրթական մի հաստատության մասին, որի նստարանին երբեք չի մատել, բայց որի աշակերտն է եղել միջնորդությամբ ու շնորհիվ մշակութային ու մտավորական հզոր դեմքերի, որոնք կազմել են Կեղրոնականի շրջանակը: Կեղրոնական վարժարանը իր հանձնառությամբ ու դիմագծությամբ իսկապես հավատարիմ է մնում Ազգային բա-

ղադրիչին: Ներկայիս հայ կրթության առջև երկու կարևոր թիրախներ կան՝ մարդակերտում ու հայակերտում, որոնցից առաջինը պատասխանատվությունն է աշխարհի առջև, իսկ երկրորդը՝ հայոց պատմության ու ինքնության հայտանիշն է. այս երկու գուզակշիռները լավագույնս են պահպանվում Կեղրոնական վարժարանում:

Հանդիսությունից հետո տոնախմբությունը շարունակվեց Կեղրոնական սանուց միության սրահում բացված սիրո սեղանի շուրջ:

Վարտին տնօրենուհի Սիլվա Գույունջյանը, հանդիսության մասնակից և աշակից հյուրերի կարգին, Համալսարանի «Սփիւռք» գիտատնտեսական կենտրոնին և Բնարիկ Աբրահամյանին հանձնեց շնորհակալագրեր:

«Սփիւռք» գիտատնտեսական կենտրոն

Մայիսի 15-ին Սկզբնական կրթության ֆակուլտետի տարրական մանկավարժություն և մեթոդիկա բաժնի երկրորդ կուրսի ուսանողներն ու մայրենի լեզվի դասախոսները հանդիպեցին Հայաստանի Աստվածաշնչային ընկերության ծրագրերի տնօրեն, Գևորգյան հոգևոր ձեռնարանի դասախոս, նախկինում ծայրագույն վարդապետ, Անթիլիասի դպրեվանքի տեսուչ Արշավիր Գաբունյանին հետ:

Որքան շատ են մտածում, այնքան ավելի են համոզվում, որ չկա ավելի բարձր արվեստ, քան մարդկանց սիրելու արվեստը:

Վինսենթ վան Գոգ

Երբ հանդիպում են մարդը և ՄԱՐԴԸ...

Խոսքը մարդու խոհն ու հույզը արտահայտելու զարմանահրաշ միջոց է, որի մեջ կա և՛ գույն, և՛ ձայն, և՛ կուռ ճարտարապետություն, և՛ թռիչք, և՛ թրթռ, և՛ լույս... որոնք բխում են մարդուց և ուղղված են մարդուն:

Երբ ուսանողների համար սկսեցի նմուշներ կարդալ Արշավիր Գաբունյանի բանաստեղծություններից, բոլոր լսարաններում արձագանքը նույնն էր: Ինձ համար զարմանալի չէր, որ երիտասարդ հոգիներին անպայման պիտի գրավեր զգացմունքի նրբությունն ու մտքի խորությունը, պատկերի քնքշությունն ու անզուգական գեղեցկությունը, բառաշխարհի թարմությունը, նոր բառեր ստեղծելու ամենամասնապասելի լուծումներն ու ճկունությունը... Ուրախալի էր, որ հիացական էր վերաբերմունքը ոչ միայն արևելահայերեն, այլև արևմտահայերեն բանաստեղծությունների, ավելի՛ն՝ արևմտահայերենի նկատմամբ. նկատում ու զգում էին լեզվական իրողությունների տարբերությունները, արևմտահայերենի լեզվամտածողության յուրահատկությունը, հիանում հեղինակային այնքան ինքնատիպ ոճով ու անկրկնելի բառ-պատկերներով, երաժշտականությամբ... Սակայն ինձ համար միանգամայն անսպասելի էր, որ այսօրվա այդ երիտասարդ հոգիները ոչ միայն պատրաստ էին, այլև ցանկություն ու կարիք ունեին գորդի հետ խորհելու, մտորելու ՄԱՐԴԸ և ՄԱՐԴԱՇԱՆՈՒՄԻ մասին, տարածության և ժամանակի անսահմանության մասին, մարդկային հոգու անհունության և վեհության մասին... Բանաստեղծական «Երեք բան կա» և «Գոյութիւնն ինձ» ժո-

ղովածուներին լրացնելու եկավ նոր տպագրված «Դուն և ես» խոհագրությունը՝ արդեն արձակ՝ «Դուն և ես», «Ծրարուած էջեր», «Ծրարուած ժամանակ» բաժիններով... Քայլերդ գրքի «ծրարված էջերով» տանում են հեղինակի անցած ճանապարհներով, խոհերով, հուշերով, կյանքի կարևորագույն սկզբունքների, հավերժական ճշմարտութ-

ԵՐԲ ՀԱՆԳԻՊՈՒՄ ԵՆ ...

յունների ու արժեքների շուրջ մտորումներով... ու հասցնում գլխավորին... Իսկ գլխավորը ՍԵՐՆ և ԴԵՊԻ ՄԱՐԴԸ, որը հեղինակի համար այլևս դարձել է գոյության ձև ու ճանապարհ՝ առաքելություն... Եվ մարդը հանդիպեց ՄԱՐԴԸ...

Սակայն ոչինչ չի կարող փոխարինել մարդկային անմիջական հաղորդակցմանը, որի կարիքն արդեն հասունացել էր՝ դառնալով անհրաժեշտություն: Հանդիպումը կայացավ՝ անկեղծ ու անմիջական, այնքան սպասված, բայց միանգամայն անսպասելի...

Որովհետև հոգին հանդիպեց ՀՈԳԻՆ...

Կեսգիշերից հետո նամակ ստացա մի ուսանողուհուց. «Հանդիպման ազդեցությունը չի անցնում... Անընդիսատ մտածում են, ու մտքերս չեն վերջանում... Ինձ հետ երբեք այսպիսի բան չի պատահել...»: Հետո գրեց երկրորդը, երրորդը...

Իմ շատ սիրելի ուսանողներ, այդպիսի բան կարող է պատահել մարդու հոգում...

«Գուլագործոց այնպես է ներգործում մարդու վրա, որ նա իր մեջ սկսում է զգալ այն ճշմարտության կանչը, որով տվյալ ստեղծագործությունն արարելիս առաջնորդվել է արվեստագետը: Երբ գեղարվեստական ստեղծագործության և այն ընկալող մարդու միջև կապ է հաստատվում, վերջինիս հոգին մաքրագործող



ցնցում է ապրում: Երբ հանդիսատեսը հայտնվում է արվեստի հզոր ստեղծագործության լուսարձակող դաշտում, բացվում են նրա հոգու լավագույն կողմերը, որոնք ձգտում են ազատագրվելու: Այդպիսի պահերին կատարվում է սեփական անձի գիտակցում և որպես անհատականության՝ բացահայտում. և գալիս է անսահմանության և զգացմունքների անհատակ խորության զգացողությունը: Ահա այսպես կբացատրեի ձեզ կինոյի բանաստեղծ, հանձարեղ ռեժիսոր Անդրեյ Տարկովսկին:

Այդպես լինում է, երբ լույսը հանդիպում է ԼՈՒՅՍԻՆ, միտքը հանդիպում է ՄՏԲԻՆ, հոգին հանդիպում է ՀՈԳԻՆ... Երբ ՍԻՐՈ ԼՈՒՅՍԸ մարդուց հասնում է մարդուն: «ՍԵՐ ԴԵՊԻ ՄԱՐԴԸ». սա է ՀՈԳԻ ԳԵՂԵՑԿՈՒԹՅԱՆ զատնիքը, ՀՈԳԻ ԳԵՂԵՑԿՈՒԹՅԱՆ, որն ըստ ռուս հանձարեղ գրող Ֆյոդոր Դոստոևսկու՝ «պիտի փրկի աշխարհը»...

Եվ ես անչափ ուրախ եմ ձեզ համար՝ այդ անկրկնելի զգացումի ապրումը ունենալու համար...

«Մի՞թե կյանքը մեզ հարուստ հոգի ունենալու համար չի տրված»,- իր եղբորը՝ Թեոյին, գրում էր մեկ ուրիշ հանձար՝ Վինսենթ վան Գոգը: Այո: Միայն թե այդպիսի ՀՈԳԻՆ պիտի ժամայակի նման հյուսել՝ հյուսել լույսից, գեղեցկությունից, բարությունից... ՍԻՐՈՒՅ... Եվ մենք, որ կոչված ենք մարդ, ավելի՛ն՝ ՈՒՍՈՒՅԻԶ կրթե-

լու, պատասխանատու ենք մեր սաների «գեղեցիկ հոգիների» համար, իսկ նրանք՝ իրենց սաների «գեղեցիկ հոգիներին» համար...

Պարզապես պետք է սովորենք «մարդուն սիրելու արվեստը»՝ սիրենք և այդ սերն անմնացորդ բաշխենք մարդկանց. դա նաև մեր առաքելությունն է...

Լիլիթ Աշոտի ՏԵՐ-ԳՐԻԳՈՐՅԱՆ

Արշավիր Գաբունյան

ԲԱՐԻ ԼՈՒՅՍ

Բարի աչքով ժպիտ ցողէ Դուն անցորդին, որ լոյս հող է. Մի՛ սպասեր դուն աչքացալ՝ - Շողիկն արդեօք լոյս մը դարձա՞լ... Բարի ձեռքով դուն սերմ ցանէ Հոգիներուն, որ ակօս է. Եւ մի՛ նայիր ձեռքիդ անբաւ՝ - Սերմը արդեօք հունձք մը դարձա՞լ... Բարի իղծով երազ աստղէ Գիշերներուն այն աղեղէ. Մի՛ մտածեր դառն, ըղձացաւ. - Երազն իրօք ճիշդը դարձա՞լ... Բարի խօսքով դուն յոյս վառէ Լապտերներուն՝ մարդոց շարք է. Մի տագնապիր դուն մտացալ՝ - Քայլ մը արդեօք տեղ մը հասա՞լ... Բարի սրտով դուն սէր բաշխէ Անոնց, որոնք դեռ չունին քեզ Մի՛ ափսոսար դուն սրտացալ՝ - Սէրդ արդեօք մէկուն հասա՞լ: Մի՛ մտածեր՝ ով ինչ դարձաւ, Եւ կամ ինքը տեղ մը հասա՞լ, Բայց տագնապիր՝ ով ինչ եղաւ:



Հայ ընտանիքներում շատ հաճախ ընդունված է շարունակել «ընտանեկան», մասնագիտությունը. և ստացվում է, որ մի գերդաստանում սերնդեսերունդ մասնավարժներ են դառնում, մյուսում՝ բժիշկներ, երրորդում՝ տնտեսագետներ... Եվ ընտանեկան մասնագիտությունը շարունակական ու սիրելի է դառնում ընտանիքի մյուս անդամների համար. կրթությունն ու դաստիարակությունը փոխանցվում են մեկից մյուսին՝ նրա հետ մասնագիտության հանդեպ սիրո և հավատարմության դրսևորումներով...

Այսպիսի մի օրինակ է Նադիրյանների գերդաստանը, ուր յուրաքանչյուր անդամ իր ուրույն տեղն ունի: Ընտանիքի մեծ հայրը՝ Վաղինակ Միքայելի Նադիրյանը,

ների գծով պրոռեկտոր, միաժամանակ դասավանդելով բուհի կենսաբանական ֆակուլտետի մարդու և կենդանիների ֆիզիոլոգիայի ամբիոնում: Երեք տարի հասարակական հիմունքներով ղեկավարել է ամբիոնը:

Մ.Վ.Նադիրյանը 80 գիտական հոդվածների և երեք գիտաուսումնական գրքերի հեղինակ է: Մանկավարժական գործունեության ընթացքում պարզատրվել է «Մանկավարժական համալսարան», Խաչատուր Աբովյանի մեդալներով և ՀՀ ԿԳ նախարարության ոսկե մեդալով:

Ընտանիքի հարսը՝ Աստղիկ Վահանի Նադիրյանը, ավարտել է ԵՊՀ ռոմանագերմանական ֆակուլտետը և երկար տարիներ ֆրանսերեն լեզվի ուսուցչուհի

ՄԱՆԿԱՎԱՐԺՈՒԹՅԱՆ ՆԿԻՐՅԱԼ ԳԵՐԴԱՍՏԱՆԸ

ավարտելով ԵՊՀ բանասիրական ֆակուլտետը, աշխատել է լուսժողովրդում՝ որպես դպրոցական բաժնի վարիչ: Նա դասավանդել է Կրուպսկայայի անվան միջնակարգ դպրոցում՝ նախ ուսուցիչ, հետո՝ տնօրեն, որի ընթացքում նույն դպրոցում է սովորել մասնաձևում բանաստեղծ Սիլվա Կասյանիկյանը: Վաղինակն իր ծննդավայրի՝ Վրաստանի Մառնեուլի շրջանի Շահումյան ավանի բնակչության խնդրանքով տեղափոխվել է և աշխատանքի անցել տեղի միջնակարգ դպրոցում որպես հայոց լեզվի և գրականության ուսուցիչ, այնուհետև երկար տարիներ աշխատել է որպես տնօրեն:

Մանկավարժական անբասիր ծառայության համար նա ստացել է վաստակավոր ուսուցչի պատվավոր կոչում, պարգևատրվել է մի շարք մեդալներով և Աշխատանքային Կրամիր դրոշի, «Պատվո մշան» և Լեմինի շքանշաններով:

Ընտանիքի մեծ մայրը՝ Վարդուհի Սիմոնի Նադիրյանը, ավարտել է ԵՊՀ կենսաբանական ֆակուլտետը և երկար տարիներ աշխատել ծննդավայրի միջնակարգ դպրոցում, դասավանդելով կենսաբանական առարկաներ: Վարդուհու մանկավարժական աշխատանքը ևս գնահատվել է. նա պարգևատրվել է «Աշխատանքային գործունեության համար» մեդալով և «Պատվո մշան» շքանշանով: Այնուհետև աշխատել է Երևանի հմ. 102 միջնակարգ դպրոցում:

Ընտանիքի երկու դուստրերը՝ Ջենմա և Ջուլիետա Վաղինակի Նադիրյանները, արծաթե մեդալով ավարտելով տեղի միջնակարգ դպրոցը, սովորել են ԵՊՀ բանասիրական և կենսաբանական ֆակուլտետներում: Այնուհետև համապատասխանաբար որպես մանկավարժներ աշխատել են Բակույնի անվան մանկավարժական ուսումնարանում և Երևանի ֆիզիոլոգիայի ուսումնարանում:

Ընտանիքի որդին՝ Միքայել Վաղինակի Նադիրյանը, ոսկե մեդալով ավարտելով միջնակարգ դպրոցը, սովորել է Երևանի պետական բժշկական ինստիտուտում, որից հետո երեք տարի աշխատելով բժշկի մասնագիտությամբ, ընդունվել է Մոսկվայի մանկավարժական ակադեմիայի տարիքային ֆիզիոլոգիայի ինստիտուտի ասպիրանտուրան, պաշտպանել թեկնածուական ատենախոսություն՝ ստանալով գիտական թեկնածուի աստիճան:

Միքայելը աշխատանքի է անցել Երևանի պետամալսարանի կենսաբանական ֆակուլտետում որպես դասախոս, այնուհետև՝ դոցենտ: Երկար տարիներ եղել է ֆակուլտետի ղեկավար տեղակալ, հիմնդ տարի՝ համալսարանի օտարերկրյա ուսանողների նախապատրաստական ֆակուլտետի ղեկավար:

2000 թվականին նա հրավիրվել է Երևանի պետական մանկավարժական համալսարան, սկզբում՝ որպես ուսումնական հարցերի, այնուհետև՝ գիտության և հետբուհական կրթության աշխատանք-

ի աշխատել Երևանի հմ. 155 միջնակարգ դպրոցում :

Ընտանիքի թոռներից Նունե Միքայելի Նադիրյանը, ավարտելով ԵՊՀ-ի կենսաբանական ֆակուլտետը, աշխատել է մարդու և կենդանիների ֆիզիոլոգիայի ամբիոնում, այնուհետև զբաղվել երկու հիասքանչ աղջիկների դաստիարակությամբ, որոնցից Ամենիկյան, կարմիր դիպլոմով ավարտելով ԵՊՀ ռոմանագերմանական ֆակուլտետի անգլիական բաժինը, աշխատում է Երևանի Ամերիկյան համալսարանում, իսկ Վարդուհին նույնպես կարմիր դիպլոմով ավարտելով նույն ֆակուլտետը, դասավանդում է ԱՅԲ դպրոցում:

Մյուս թոռը՝ Արմեն Միքայելի Նադիրյանը, ոսկե մեդալով ավարտել է Երևանի հմ. 171 միջնակարգ դպրոցը, որից հետո կարմիր դիպլոմով ավարտել է ԵՊՀ իրավաբանական ֆակուլտետը: Երկար տարիներ նա աշխատել է ՀՀ դատախազության համակարգում՝ զբաղեցնելով շրջանային դատախազության քննիչից մինչև ՀՀ գլխավոր դատախազին առընթեր հատկապես կարևոր գործերի քննիչի պաշտոնները: Այնուհետև աշխատել է նորաստեղծ ՀՀ հատուկ քննչական ծառայությունում, սկզբում՝ որպես հատկապես կարևոր գործերի ավագ քննիչ, ապա պետի տեղակալ: Անբասիր և գերազանց ծառայության համար բազմիցս պարգևատրվել է այդ թվում՝ «Մխիթար Գոշ» մեդալով:

Վերջինիս կինը՝ Արդա Մերուժանի Նադիրյանը, ավարտել է ԵՊՀ ռուսական բանասիրական ֆակուլտետը և դասավանդում է Երևանի հմ. 170 ավագ դպրոցում:

Դուստրերից՝ Աստղիկ Արմենի Նադիրյանը կարմիր դիպլոմով ավարտել է ԵՊՀ միջազգային հարաբերությունների ֆակուլտետի քաղաքագիտության բաժինը և աշխատում է արտաքին գործերի նախարարության դիվանագիտական դպրոցում:

Անի Արմենի Նադիրյանը կարմիր դիպլոմով ավարտել է Հայաստանի տնտեսագիտական համալսարանի ֆինանսական ֆակուլտետի բակալավրիատը և ուսումը շարունակում է մագիստրատուրայում:

Որդին՝ Միքայել Արմենի Նադիրյանը, սովորում է ավագ դպրոցի 10-րդ դասարանում և արյոք նա կպահպանի ընտանիքի ավանդույթը, ցույց կտա ապագան...

Մանկավարժի մասնագիտությունը շարունակական ու սիրելի է դարձել Նադիրյանների ընտանիքի անդամների համար, դպրոցը գերազանցությամբ ու ոսկե մեդալով, իսկ համալսարանը՝ կարմիր դիպլոմով ավարտելը՝ ընտանեկան ավանդույթի մի մասը... Նրանք հայ դպրոցի ու կրթական ավանդույթների լավագույն հենարանն են ու շարունակողները, մանկավարժության նվիրյալներ... Հենց այդպիսի նվիրյալների շնորհիվ է մանկավարժության ոլորտը ամրագրում իր առաջընթացն ու ապագան:

Համերգ՝ նվիրված մայիսյան հաղթանակներին

Մանկավարժական համալսարանի երաժշտության ամբիոնը կազմակերպել էր «Մենք հզոր ենք մեր լեռների պես» խորագրով համերգ, որը նվիրված էր հայ ժողովրդի մայիսյան հաղթանակներին: Ելույթ ունեցան ամբիոնի Ազգային նվագարանների նվագախումբը, ղեկավար՝ ՀՀ վաստակավոր արտիստ Նորայր Դավթյան, Ջազ բենդը, ղեկավար՝ Մշակույթի վաստակավոր գործիչ, պրոֆեսոր Երվանդ Երզնկյան, Փողային նվագախումբը՝ ղեկավար, դոցենտ Կոլյա Մարտիրոսյան, ինչպես նաև քանոնահարների, դուդուկահարների, դիոլահարների խմբերը:

Ուսանողները կատարեցին հայ և արտասահմանյան կոմպոզիտորների հանրաճանաչ ստեղծագործություններից՝ հիացնելով դահլիճում ներկա ուսանողներին և դասախոսներին, մասնատուցեցին դաշնամուրային հրաշալի կատարումներ:



Ամբիոնի վարիչ Արա Գևորգյանը նպատակաուղղված աշխատանք է իրականացնում հայկական ազգային գործիքների ու նվագարանների հանրահռչակման ուղղությամբ. «Այն, ինչ չի անում հեռուստատեսությունը, անում ենք մենք. տարվա մեջ 1-2 անգամ այս դահլիճում կազմակերպում ենք մամա համերգներ, համերգներով հանդես ենք գալիս մա մարզերում: Եթե մենք սերունդների մեջ սեր չարթնացնենք ազգային նվագարանների ու երգ-երաժշտության հանդեպ, տարիների հետ այն կմեռնի»:

Ճանաչված երաժիշտ կատարողի՝ Արա Գևորգյանի նախածեռնությամբ ֆակուլտետի նվագախմբերն անվճար համերգներ են կազմակերպում մարզերում: Հայաստանում և Հայաստանից դուրս տարբեր փառատոններում մրցանակային տեղերի արժանացած համալսարանական նվագախմբերը իրենց կատարումներով հիացնում են մարզերի ավագ դպրոցների աշակետներին և երաժշտական դպրոցների սաներին, նրանց համակրանքին արժանացնելով ազգային գործիքներն ու երաժշտությունը:

Սիլվա ԱՄՅԱՆ

Մեղրաձորի աշակերտները՝ Մանկավարժականում

Մայիսի 5-ին համալսարանի պատմության և հասարակագիտության ֆակուլտետը հյուրընկալեց Կոտայքի մարզի Մեղրաձոր գյուղի Հ. Հակոբյանի անվան միջնակարգ դպրոցի աշակերտներին: Հայոց պատմության ամբիոնի դասախոսներ, պատմ. գիտ. թեկնածուներ Մարիամ Եղյանը և Սուսաննա Խաչատրյանը նախ երեխաներին ուղեկցեցին թանգարան, որտեղ նրանք ծանոթացան բուհի պատմությանը և ձեռքբերումներին: Այնուհետև դասախոսները երեխաներին պատմեցին մեր



բուհում ուսանողների ակտիվ առօրյայի, միջազգային ծրագրերի, ամառային դպրոցների և այլ հնարավորությունների մասին:

Վերջում երեխաներին ցուցադրվեց հայոց պատմության ամբիոնի վարիչ, պրոֆեսոր Աշոտ Փիլիպոսյանի ղեկավարությամբ նկարահանված «Գլաձոր» վավերագրական ֆիլմը, որը պատմում է բոլոր ժամանակներում ուսման նկատմամբ մեր ժողովրդի վերաբերմունքի մասին:



ՊՐԱԿՏԻԿԱՅԻ ԱՄՓՈՓԻՉ ԿՈՆՖԵՐԱՆՍ

Մասնագիտական կրթության և կիրառական մանկավարժության ամբիոնը կազմակերպել էր 2016-2017 ուսումնական տարվա II կիսամյակի մանկավարժական պրակտիկայի ամփոփիչ կոնֆերանս, որի ընթացքում ներկայացվեցին կրթության հոգեբանության և սոցիոլոգիայի ֆակուլտետի սոցիալական մանկավարժություն բաժնի 2-րդ կուրսի ուսումնաճանաչողական (շարունակական) և 3-րդ կուրսի կիրառական (ակտիվ) պրակտիկաների շրջանակներում իրականացված աշխատանքները:

Ուսումնաճանաչողական (շարունակական) պրակտիկան իրականացվել էր Երևանի Գագիկ Ստեփանյանի անվան № 135 և Երևանի Գայի անվան № 129 հիմնական դպրոցներում, կիրառական պրակտիկան՝ ԶՕՖ-ի երեխաների աջակցության, Աջակցյակ վարչական շրջանի երեխաների սոցիալական հոգածության և «Ձատիկ» երեխաների աջակցության կենտրոններում:

Կոնֆերանսի նպատակն էր ամփոփել ներկայացվել մանկավարժական պրակտիկաների ընթացքում կատարված աշխատանքները, նշել ձեռքբերումներն ու դժվարությունները: Այն բաղկացած էր երկու մասից: Ուսանողները կազմակերպել էին պրակտիկայի ընթացքում կատարած աշխատանքների, պատասխանների ու նկարների ցուցահանդես, այնուհետև յուրաքանչյուր խումբ հակիրճ անդրադարձավ իր կատարած աշխատանքներին, պատասխանեց տրված հարցերին, հիմնավորեց առաջարկությունները:

2-րդ կուրսի ուսանողները նշեցին, որ թեև պրակտիկան ուսումնաճանաչողական էր, բայց իրենք ակտիվություն են դրսևորել, փորձել են բուհում անցած տեսական նյութը գործնականում կիրառել և համալրել գիտելիքները: Նշեցին, որ իրենց մուտքը դպրոց որպես սոցիալական մանկավարժներ հաջողված էր, քա-



նի որ գործնականում տեսել են իրենց գործառույթների իրականացումն ու լիարժեք գիտակցել իրենց մասնագիտության կարևորությունն ու արդիականությունը: Իսկ 3-րդ կուրսի ուսանողները նշեցին, որ կիրառական պրակտիկայի ընթացքում կարողացել են տեսական գիտելիքները պրակտիկայում կիրառել, անցկացրել են ինչպես խմբային, այնպես էլ անհատական սոցիալ-մանկավարժական աշխատանքներ, թեմատիկ սեմինարներ ու քննարկումներ, դաստիարակչական նշանակություն ունեցող տեսանյութերի դիտումներ, տարբեր միջոցառումներ, ներդրում են ունեցել նաև կենտրոնների սաների ազատ ժամանցի կազմակերպման գործում և այլն: Իրականացված աշխատանքներն ուղղված են եղել սոցիալ-մանկավարժական մի շարք խնդիրների լուծմանը՝ արժեհամակարգի ձևավորում,

մասնագիտական կողմնորոշում, ինտելեկտի բարձրացում, միջանձնային հարաբերությունների կարգավորում, հետագա կյանքի համար նպատակների ձևավորում, բնավորության լավ գծերի զարգացում և այլն. դրանք նպաստել են կենտրոնների սաների սոցիալականացմանը:

Կոնֆերանսի ընթացքում ելույթ ունեցավ Մասնագիտական կրթության և կիրառական մանկավարժության ամբիոնի վարիչ Ա. Թովուզյանը, ով կարևորեց յուրաքանչյուր ուսանողի համար պրակտիկայի դերն ու նշանակությունը՝ շեշտելով, որ աշխատանքներն ամփոփելիս հատուկ ուշադրություն պետք է դարձնել կատարած թուվանդակության վրա. «Ձեզ հարց տվեք՝ «ինչ են տարել և ինչով են վերադարձել»:

Ելույթ ունեցավ նաև բուհի պրակտիկայի վարչության պետ Վ. Սարգսյանը, ով

արժևորեց կատարված աշխատանքը: Ամփոփիչ կոնֆերանսի ավարտին հնչեցին շնորհակալական խոսքեր՝ ուղղված պրակտիկայի ընթացքում ուսանողների հետ աշխատած բուհի պրոֆեսորադասախոսական անձնակազմին և պրակտիկայի հաստատությունների մանկավարժական կոլեկտիվներին՝ պրակտիկայի ողջ ընթացքում ուսանողների հետ աշխատելու, ուղղորդելու և աջակցելու համար:

Կոնֆերանսի վերջում դասախոսներին և հյուրերին տրամադրվեցին կազուն թղթեր, որոնց միջոցով պետք է գնահատվեին ուսանողների կատարած աշխատանքները՝ դրանք փակցվելով առավել շատ հավանության արժանացած պատաններին:

Առավելապես հավանության արժանացան խմբային աշխատանքների արդյունքում ստեղծված պատասխանները, որտեղ արտացոլված էին երեխաների աշխատանքները, նրանց կարծիքներն ու տեսակետները: Մասնավորապես առանձնացան 3-րդ կուրսի ուսանողների կողմից ստեղծված «Բնավորության լավ և վատ գծեր», «Երազանքների ծառ», «Մենք ընկերասեր ենք», «Մասնագիտությունների աշխարհում», «Արևը ծագում է այնտեղ, որտեղ սպասում են», «Քառօրյա հերոսամարտ» վերնագրերով պատասխանները, ինչպես նաև երեխաների ձեռքի աշխատանքները՝ նկարներ ու տիկնիկներ: 2-րդ կուրսի ուսանողների ստեղծած պատասխանների մեջ աչքի ընկան թեմատիկ սեմինարների արդյունքներն արտացոլող՝ «Ընկեր և ընկերություն», «Մեր բնությունը մաքուր պահենք», «Ինչպես վարվել աղբի հետ» և «Առողջ ապրելակերպ» խորագրերը կրող պատասխանները:

Գայանե ԶՐՈՒԹՅՈՒՆՅԱՆ
Մասնագիտական կրթության և կիրառական մանկավարժության ամբիոնի դասախոս, մանկավարժական գիտությունների թեկնածու

ՄԵՆՔ ՁԵՐ ԿՈՂՔԻՆ ԵՆՔ

Խ. Արուսյանի անվան ԶՊՄՅ մասնագիտական կրթության և կիրառական մանկավարժության ամբիոնի դասախոսները, ամբիոնի ենթաշեփ՝ Երևանի Ներսես Մեծի անվան № 124 հիմնական դպրոցի աշակերտները, ԶՊՄՅ կրթության հոգեբանության և սոցիոլոգիայի ֆակուլտետի սոցիալական մանկավարժության բաժնի III կուրսի ուսանողները մայիսի 24-ին այցելեցին՝ Նորքի ծերանոց (տուն-ինտերնատ):



«Մենք Ձեր կողքին ենք» խորագիրը կրող միջոցառման ընթացքում աշակերտները և ուսանողներն իրենց գեղեցիկ ասունքով, երգ ու պարով հուզեցին բոլորին՝ տուն-ինտերնատի բնակիչներին, հյուրերին: Մեծ էր բոլորի հուզմունքն ու ոգևորությունը, սերունդների միջև անջրպետը վերացել էր՝ տեղի տալով անկեղծ բարեկամության ու հոգատարության առիթները դրսևորումների:

Միջոցառման վերջում մանկավարժական գիտությունների թեկնածու Նաիրա Մարտիրոսյանը ամբիոնի բոլոր դասախոսների և ուսանողների անունից ծերանոցի բնակիչներին մաղթեց երկարակեցություն, համբերություն, կարևորեց ապագա սոցիալական մանկավարժների ու աշակերտների շփումը տատիկ-պապիկների հետ՝ խոստանալով, որ մեծ միջոցառումները շարունակական կլինեն: Ծերանոցի բնակիչները և աշխատակազմի ներկայացուցիչները շնորհակալություն հայտնեցին հոգատար վերաբերմունքի և հոգածության համար: Նրանք հեռացան դախիլճից՝ իրենց հետ տանելով սպասումը հաջորդ գեղեցիկ միջոցառումների:

Կարինե ՊԱՊԻՅԱՆ
Մասնագիտական կրթության և կիրառական մանկավարժության ամբիոնի դոցենտ

ՈՒՍԱՆՈՂԻ ՕՐԱԳՐԻՑ

ԵՐԱՉԱՆԻԸ

1997 թվականն էր, երբ ավարտեց Մարտունու միջնակարգ դպրոցը... Երազում էր ուսունը Երևանում շարունակելու մասին, սակայն գիտեր՝ ծնողներն ի վիճակի չէին իրեն Երևան ուղարկել, ուստի ոչինչ չասաց, ոչինչ չպահանջեց... Մարտունու «Գեղարքունիք» համալսարանն իր դռները բացեց նրա առջև. ընդունվեց բուհի բանասիրական ֆակուլտետ և շարունակեց գերազանց սովորել... Սակայն սրտում մի անմար կրակ կար. սովորել Երևանի պետական մանկավարժական համալսարանում, ուսանել մեծանուն դասախոսների մոտ, որոնց մասին միայն լսել էր և կարողացել նրանց հեղինակած գրքերը:

Մի օր էլ նրա դասախոսներից մեկը, որի աղջիկը սովորում էր ԵՊՊ-ում, ասաց. «Արի Աստղիկին ասես (նրա աղջկա անունն էր) քեզ տանի համալսարան, ծանոթացնի Գևորգ Ջահուկյանի և մյուս դասախոսների հետ»: Ամոթից ու հուզմունքից կարմրեց. ինչպե՞ս ասել, որ տրանսպորտի գումար չունի համալսարան հասնելու և տուն վերադառնալու համար: Ու անհեթեթ պատճառաբանելով՝ մերժեց: Երբեմն-երբեմն Մանկավարժական համալսարանից դասախոսներ էին գալիս «Գեղարքունիք» դասախոսելու: Այդ օրերն իսկական տոն էին նրա համար, հնարավորություն՝ տեսնելու և լսելու գիտությունների դոկտոր, պրոֆեսորների... Ցույց չէր տալիս, բայց ամեն անգամ, երբ նրանք վերջացնում էին դասընթացները,

իր սիրտն էլ նրանց հետ էր գնում: Ավարտեց համալսարանը՝ ուսման ծարավը սրտում. «Երանի ամբողջ կյանքում ուսանող մնամ, երանի չվերջանան իմ ուսանողական տարիները...»:

Տասներեք տարի անցավ, տասներեք երկար ու ծիգ տարիներ՝ ակնթաթի մեջ... Ուսման չհագեցած ծարավը նրան վերջապես Երևան բերեց, ընդունվեց ԶՊՄՅ մագիստրատուրան... Իրականացավ բաղձալի երազանքը, նվաճեց չնվաճված բարձունքը... Լինելով արդեն երեք երեխաների մայր՝ շարունակեց խորացնել գիտելիքները մեծագույն սիրով ու նվիրումով: Նրա սովորելու փափագը, ավելին իմանալու հագուրդը օրինակ դարձավ նաև ինձ համար, ու ես ևս դարձա ուսանող... Ամեն անգամ երիտասարդ ուսանողների հանդիպելիս հորդորում է՝ լավ սովորեք, արժանի եղեք ձեր կոչմանը, չէ՞ որ այսպիսի հիմնալի հնարավորություն ունեք, որի մասին շատերը երազել են միայն... Ու մտքով նորից գնում էր հետ. իսկ իրենց դասարանում վեց մեղալակիրներ կային, վեցն էլ չնվաճեցին Երևան...:

Եթեր ԱՎԵՏԻՍՅԱՆ
Բանասիրական ֆակուլտետ, մագիստրատուրա (հեռակա), 2-րդ կուրս



Ընչեց վերջին զանգը

Դպրոցական տարիների ավարտն ազդարարող վերջին զանգի ղողանջներն արդեն 23-րդ անգամ հնչեցին ՀՀ ԳՊՄՅ Հեռակապակցական վարժարանում: Ջերմությամբ, հպարտությամբ, ժպիտներով ու հուզմունքով շրջանավարտներն աննոռանալի օր պարզեցին իրենց ու ներկաներին:

Ավարտական հունամիտար (հոգեբանություն, լրագրություն), մշակութային (նկարչություն, բնագիտամաթեմատիկական) հոսքերում սովորող 112 շրջանավարտներ համդիսավոր տոնական միջոցառմամբ ազդարարեցին կյանքի նոր փուլի մեկնարկն ու հարազատ կրթության հրաժեշտը:



Քաջ գիտակցելով կյանքի նոր փուլի հետաքրքիր, բարդ ու պատասխանատու շրջանը՝ շրջանավարտներն, իհարկե, ուրախ էին ու հուզված, որ ավարտում են կյանքի դպրոցական փուլը, բայց միևնույն ժամանակ տխուր էին, որ հրաժեշտ են տալիս տարիների ընթացքում արդեն հարազատ ու սիրելի դարձած դպրոցին և ուսուցիչներին:



Շրջանավարտները ևս մեկ անգամ բարձրաձայնեցին՝ հնարավորություն ունենալին կրկին ընտրել ուսումնական հաստատություն, ապա միանշանակ կընտրեին կլիներ ՀՀ ԳՊՄՅ Հեռակապակցական վարժարանը, «քանզի միայն այս վարժարանում է հնարավոր միաժամանակ ստանալ և՛ գիտելիքներ, և՛ հոգատարություն, և՛ հայրենիքը սիրելու ու զնահատելու ունակություն»: «Վարժարանի հետ մեծացանք, դարձանք խելացի, հասուն ու ձեռք բերեցինք բազմապիսի գիտելիքներ: Մենք գնում ենք հպարտ, վստահ քայլերով և զինված գիտելիքներով՝ մուտք գործելու համար կյանքի նոր փուլ, իսկ այդ ամենը մեզ տվել է մեր հարազատ կրթօջախը»,- ասացին շրջանավարտները:

Շնորհակալություն հայտնելով ուսուցիչներին՝ շրջանավարտները նկատեցին, որ նրանց տված գիտելիքները, հմտությունները, մարդու համար կարևոր հատկանիշները կյանքի յուրաքանչյուր պահին օգնության են գալու իրենց:

Հանդիսության ավարտին վարժարանի տնօրեն Նաիրա Սաֆարյանը շրջանավարտներին փոխանցեց երևանի քաղաքապետ Տարոն Մարգարյանի շնորհավորական ուղերձը: Այնուհետև հպարտությամբ, սիրով ու ջերմությամբ ողջունեց բոլոր շրջանավարտներին: «Մեր շրջանավարտներն իրենց հաղթանակներով, հաջողություններով հարստացրել են վարժարանի պատմության էջերը և վստահ են, որ դեռ շարունակելու են հարստացնել: Ինչ էլ դառնաք, ուր էլ լինեք սիրով, ջերմությամբ ու հոգատարությամբ կատարեք ձեր առաքելությունը»,- ասաց Նաիրա Սաֆարյանը:

«Վերջին դասը» կայացավ նաև ՀՀ ԳՊՄՅ № 57 հիմնական դպրոցում. 9-րդ դասարանի համար հնչեց վերջին զանգը, այն ազդարարեց մի գեղեցիկ պատմության ավարտ և ավետեց վառ ու լուսավոր ապագայի սկիզբը:

Միջոցառմանն աշակերտները ջերմ ու անկեղծ խոսքերով իրենց երախտիքի խոսքը հղեցին իրենց կրթող մանկավարժներին: Գեղեցիկ բանաստեղծություններով, երաժշտական կատարումներով ու հումորով աշակերտները ժպիտներ ու ջերմություն պարզեցին ներկաներին:

Միջոցառման ավարտին դպրոցի տնօրեն Նաիրա Տողանյանն աշակերտներին մաղթելով մեծ հաջողություններ և նորամուտ ձեռք բերումներ՝ ընդգծեց. «Յուրաքանչյուր գնացող դասարան թողնում է իր յուրահատուկ հետքը: Մենք նվիրում, ջերմություն ենք ներդրել, փորձել ենք մարդ դաստիարակել, իսկ առջևում ձեզ է սպասում ավագ դպրոցը»:



րել, փորձել ենք մարդ դաստիարակել, իսկ առջևում ձեզ է սպասում ավագ դպրոցը»:

Սոնա ԱՐԱՄՅԱՆ



Երեխաների օրը և օրիգամիի խորհուրդը

1950 թվականից աշխարհը հունիսի 1-ին նշում է Երեխաների պաշտպանության միջազգային օրը: Այս առիթով Մանկավարժական համալսարանի քանդարանը, Պատմության և իրավագիտության ֆակուլտետը Պատմամշակութային արգելոց-թանգարանների և պատմական միջավայրի պահպանության ծառայության և հայ-ճապոնական «Հիկարի» կենտրոնի հետ համատեղ կազմակերպել էին օրիգամիի պատրաստման վարպետության դաս:

Միջոցառմանը մասնակցում էր Հայաստանի Հանրապետությունում ճապոնիայի առաջին փոխդեսպան Սասանե Կենիչիրոն, ով շնորհավորեց երեխաներին, իր գոհունակությունը հայտնեց կազմակերպված հիանալի միջոցառման առթիվ և կարևորեց երկրների միջև կրթական և մշակութային կապերի ամրապնդումը:

Ելույթ ունեցան ՀՀ ԳՊՄՅ պրոռեկտոր, պրոֆեսոր Սրբուհի Գևորգյանը, Հայոց պատմության ամբիոնի վարիչ պրոֆեսոր Աշոտ Փիլիպոսյանը, «Հիկարի» կենտրոնի տնօրեն Կարինե Փիլիպոսյանը. նրանք բացահայտեցին օրվա և օրիգամիի արվեստի խորհուրդը՝ ներկայացնելով ճապոնական արվեստը բնութագրող կարևոր փաստեր և իրողություններ:

Միջոցառմանը մասնակցող երեխաները ծանոթացան ճապոնական հայտնի արվեստի պատմությանը և գործնական հմտություններ ձեռք բերեցին՝ գունավոր քառակուսի թղթերը ծալելու միջոցով վերածելով պատկերների:

Երեխաների պաշտպանության միջազգային օրվա առթիվ գեղարվեստական կատարումներով ողունելու էին եկել №64, №106 և Մանկավարժական համալսարանի №57 հիմնական դպրոցների երեխաները:

ՑՈՒՑԱԴՐՈՒԹՅՈՒՆ...

Դասախոսները ուսանողներին ընծեռված մանա հնարավորությունը շատ կարևորեցին, քանզի որպես դիզայներներ, նրանց համար այս ցուցադրությունն առաջին կարևոր և լուրջ փորձն էր: Ուսանողներն ի սկզբանե մասնակից են եղել բոլոր կազմակերպչական աշխատանքներին՝ մոդելների ընտրությունից մինչև երաժշտության ընտրություն:

«Սա նրանց համար լավ պրակտիկա է, տեղում ծանոթացան դիզայներական հետնաբեմին: Բոլոր դիզայներներին վերջում սա է սպասվում՝ ցուցադրություն պրոդյուսում: Աշխատաքները շատ տարբեր են. կան և՛ լավերը, և՛ ոչ այնքան: Կարևորում են դիզայներների համար մասնագիտական կրթությունը, քանզի ինձ համար կրթությունը կյանքի հիմքն է, որի միջոցով էլ մառ դառնում են լավ մասնագետ»,- ասաց Արամ Նիկոլյանը: Դիզայները հավելեց, որ ուսանողների մեջ տեսնում է շատերին, ովքեր դեռևս իրենց ասելիքը կներկայացնեն դիզայներական պրոֆեսիոնալ դաշտում:

Լիլիթ Մելիքյանը նկատեց, որ մանա ձևաչափով առաջին անգամ է իրականացվում ցուցադրություն: «Ներկայացված թեմաները մտածված էին և հետաքրքիր: Այս ցուցադրության շնորհիվ ուսանողները սովորեցին մառ, թե ինչպես է պետք կազմակերպել ցուցադրություններ. մենք առավել փորձել ենք չմիջամտել և թույլ տալ, որ նրանք արտահայտեն իրենց ուրույն մտածելակերպը»,- ասաց Լիլիթ Մելիքյանը և հավելեց, որ բուհն այս մասնագիտությանը մեծ ուշադրություն է դարձնում. ուսումնառության ընթացքում նրանք հնարավորություն են ստանում պրոֆեսիոնալ կարել, ձևել և ներկայացնել իրենց աշխատանքները: Մասնագետը ներկայացված աշխատանքների մեջ առանձնացրեց հատկապես ասեղնագործ աշխատանքները. «Ներկայացված գրաֆիկական պատկերները ստեղծել են հենց ուսանողները, ոչ թե վերցրել որևէ գրքից, այլ ուսումնասիրել են տարբեր հեղինակների և ստեղծել են իրենցը»:

Ավարտական քննությունների հանձնաժողովի նախագահ, Գեղարվեստի ակադեմիայի պրոֆեսոր, դիզայներ Արթուր Արմենյանն ամփոփելով ցուցադրությունը՝ այն դրական գնահատեց. «Պրոֆեսիոնալ մակարդակը նկատելի էր, հաշվի առնելով, որ սա նրանց առաջին քայլն է դեպի իսկական արվեստ: Մանկավարժական համալսարանը սրանով համարձակ քայլ կատարեց, մասնագիտության հանդեպ լուրջ մոտեցում և վերաբերմունք է նկատվում»:

Վերջում ուսանողներին սպասվում էր անակնկալ, նրանց հետ մույն հարթակում ցուցադրվեցին մառ դիզայներներ Արամ Նիկոլյանի և Լիլիթ Մելիքյանի հավաքածուներից մի քանիսը:



Սոնա ԱՐԱՄՅԱՆ



ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅՎԱԿԱՆ ՊԵՏԱԿԱՆ ՄԱԿԱՎԱՐԺԱԿԱՆ ՀԱՄԱԼՍԱՐԱՆԻ 2017-2018 ՌԻՍՈՒՄՆԱԿԱՆ ՏԱՐԿԱ ԱՌԿԱ ՌԻՍՈՒՑՄԱՍԲ ՄԱԳԻՍՏՐԱՍԻ ԿՐԹԱԿԱՆ ԾՐԱԳՐՈՎ ԸՆԴՈՒՆԵԼՈՒԹՅԱՆ ՏԵՂԵՐԸ ԵՎ ՎԱՐՉԱՎՃԱՐՆԵՐԸ՝ ԸՍՏ ՄԱՍՆԱԳԻՏՈՒԹՅՈՒՆՆԵՐԻ

Table with 7 columns: Code, Description, Total, and sub-categories (Regional, National, International). Rows include various educational and cultural programs.

ԽԱՐՈՎՅԱՆԻ ԱՆՎԱՆ ՀԱՅՎԱԿԱՆ ՊԵՏԱԿԱՆ ՄԱԿԱՎԱՐԺԱԿԱՆ ՀԱՄԱԼՍԱՐԱՆԸ ՀԱՅՏԱՐԱՐՈՒՄ Է 2017-2018 ՌԻՍՏԱՐԿԱ ՄԱԳԻՍՏՐԱՏՈՒՐԱՅԻ ԸՆԴՈՒՆԵԼՈՒԹՅՈՒՆ

Դիմումներն ընդունվում են Առկա՝ անվճար հիմունքներով 1-ին փուլ՝ մայիսի 20-ից հունիսի 9-ը Առկա՝ վճարովի հիմունքներով (առանց տարկետման իրավունքի) 2-րդ փուլ՝ հունիսի 10 -ից օգոստոսի 25-ը Զեռակա ուսուցում՝ հունիսի 10-ից սեպտեմբերի 20-ը:

- 1. Դիմում-հայտ (գրվում է տեղում)
2. Դիպլոմի և դիպլոմի հավելվածի (միջուկի) բնօրինակը և պատճենը
3. Անձնագրի պատճենը
4. Ինքնակենսագրություն
5. 4 լուսանկար (3x4 չափսի)
6. Տպագրված կամ տպագրման ընդունված գիտական աշխատությունների, թեզիսների ցուցակը (դրանց առկայության դեպքում):

ք. Երևան, Խանջյան 5, բարձրահարկ մասնաշենքի 1-ին հարկ, 110 սենյակ, հեռախոս՝ 59-70-69: Ընդունող հանձնաժողով

ՀԱՅՏԱՐԱՐՈՒԹՅՈՒՆ

Զեռակա ուսուցմամբ սովորող ուսանողների 2016-2017 ուստարվա երկրորդ կիսամյակի ուսման վարձի գեղչի դիմումները համապատասխան փաստաթղթերով ընդունվում են ս.թ հունիսի 8-ից մինչև 30-ը:

Գլխավոր խմբագիր՝ Սիլվա ԱՄՐՅԱՆ Էջադրումը՝ Պետրոս ՎԱՐԴԱՆՅԱՆԻ Համարի պատասխանատու՝ Սիլվա ԱՄՐՅԱՆ

Գրանցման վկայական՝ 01Մ00184 տրված է 26.03.2008 թ. Հասցեն՝ Տիգրան Մեծի 17, հեռ. 59-70-97: Էլ. փոստ՝ Newspaperaspu.am Տպագրված է «Տիգրան Մեծ» հրատարակչության տպագրատանը: Հասցեն՝ Արշակունյաց 2 Տպագրանակը՝ 1800 օրինակ: Ծավալը՝ 2 տպ. մամուլ

Թերթի նյութերի արտատպումներն առանց խմբագրության համաձայնության արգելվում է: Հղումը պարտադիր է: Թերթը տարածվում է անվճար: Հանձնված է տպագրության 6.06. 2017 թ. Թերթը կարող եք կարդալ ՀՊՄՀ կայքում www.aspu.am